



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

14. Qualibus muscis Ægyptij fuerint exagitati?

urn:nbn:de:hbz:466:1-45686

Quamobrem etiam in ipsis sece muscis mirabilem declarat. Qui potuisset plus quam duodecim legiones Angelorum, contra Pharaonem mittere; is ait: *Ecce ego immittam in te, & in servos tuos, & in populum tuum, & in domos tuas omne genus muscarum; & implebuntur domus Aegyptiorum muscis diversi generis, & universa terra, in qua fuerint. Omne genus muscarum, ait, quarum aliae sunt communes; aliae virides & tarentes, quædam valde crassæ & sonantes; aliquæ è mortuis aquis generatae; nonnullæ jumenta maximè inuadunt infestantque; quædam etiam morsu virulentæ.* Qua de cauſa S. Hieronymus existimat LXX. interpres non vertiſſe κυνομίαν, id est, *Caninam muscam*, sed κυνομίαν, id est, *muscam*, ut omne muscarum genus comprehendit. Sed licet LXX. interpres tribus locis verterint κυνομίαν, *Caninam muscam*, nō idcirco alia muscarum genera excluderunt; sed *caninam muscam* potius nominare voluerunt, quod ea, propter insignem audaciam, violentiam, & molestiam tanto memorabilior, quanto odiosior esset: quippe quæ pertinaciùs inhæret acriusq; mordet. Itaque haec plaga, ut Philo scribit, *fuit per animal omnium audacissimum, cynomyiam, cui veram appellationem imposuerunt periti nominiū, ut erant sapientissimi, compoſitam videlicet è diaboli impudentiſſimis animantibus, musca & cane: altera vincente omnes volucres temeritate; altero omnes terrestres quadrupedes. Accurrunt enim intrepide; &, si quis arecat, non cedunt pernicaciter, donec patientur carnibus & sanguine. Ac cynomyia particeps amborum audacie, &, mordax, & infidiosum animal est. Nam è longinquo, in teli morem, magno impetu aduolat, infixaq; cuti, heret pertinaciter. Tunc vero diris exagitata, multi erant molestiores, ultra natinam sitim sanguinis, armata diuinitus, ad ultionem, contra homines impios.*

Grauitas huius poenæ, non è molestia tantum & vexatione, sed etiam ex pernicie & effectu, exemplisque potest estimari. Hinc Aegyptij Ibes suas, contra serpentum aduentum, &c Elei Myiagron. (sicut Olympij Myioden) deum, muscarum multitudine pestilentiam afferente, inuocauerunt. Quale etiam, teste S. Hieronymo, *Beelzebub idolum est Accaron, sic vocatum, in quarto Regum volumine, quasi dicas, Idolum musca. Principem autem demoniorum, ex spirituſſimi animalis vocabulo appellabant Indei, quod*

S. Hieronym.
ep. 135. ad Su-
niam & Fre-
tellam
Exod. 8.
Psal. 77. &
Psal. 104.

Philo lib. 1.
de vita Moy-
sis.

S. Hieronym.
in cap. 10.
Matth.